

ISPORTELLU
SPORTELLO

ISPORTELLU
SPORTELLO



COMUNE DE S'ULUMEDU

Provintzia de Tàtari

VERBALE DE DELIBERATZIONE DE SA GIUNTA

N° 57 de su 21/06/2022

Ogetu: Contributu a favore de s'Assòtziu Fuori di Zampa Onlus, pro s'assistèntziae cura de animale de afetzione abandonadu in su territòriu comunale

S'annu duamgia bintiduos su 21 de su mese de làmpadas a sas oras 17:50, in sa Domo Comunale s'est riunida sa Giunta a sa presèntzia de:

FAEDDA, Mario Antonio	Presente
SIFFU, Salvatore	Presente
PINNA, Gianluca	Presente
SABIU FERNANDO	Presente
PODDA LAURA	Presente

Partèzipat cun funtziones consultivas, referentes e de assistèntzia e contivìgiat sa verbalizatzione (art. 97 comma 4, litera a de su T.Ù. 8 de austu de su 2000 n° 267), su **Segretàriu Generale: Dr. Giuseppe Manca.**

Su Presidente **Av. Mario Antonio Faedda**, in calidade de Sìndigu, declarat aberta sa setziada a pustis de àere averiguadu su nùmeru legale de sos interbènnidos e passat a sa tratatzione de s'argumentu de su cale a s'ogetu.

SA GIUNTA COMUNALE

BIDA sa proposta de deliberatzione n. 2022/29 de su 21.06.2022;

TORRADAS A CRAMARE sas Linias Programmàticas de su mandatu amministrativu 2021/2026, aprovadas cun Deliberatzione C.C. n. 54 de su 05/12/2021;

DADU ATU chi cun deliberatzione de Consighiu Comunale n. 23 de su 28.04.2021, esecutiva in cunforma a sa lege, est istadu approvadu su bilàntziu de previsionu finantziàriu 2021/2023 redatzionadu in tèrmines segundu su D.lgs. n. 118/2011;

TORRADA A CRAMARE sa Deliberatzione GC n. 52 de su 18/05/2022 cun sa cale beniat approvadu s'ischemu de Bilàntziu 2022-2024;

ATESU chi custu Ente Comunale, in s'esertitziu de sos poderes pròpios de autonomia istatutària, regulamentare e programmatòria, si puru in istrinturas econòmicas dèpidas a sos tàglios impostsos in fase de trasferimentu de resursas dae parte de s'Istadu e de sa Regione, intendet giùghere a in antis s'atividade pròpia de sustennu a su mundu de sos assòtzios locales, promovende sas iniciativas apretziadas prus interessantes in su pianu culturale, de sa sotzializatzione e crèschida de sa Comunitàde puru cun riguardu a s'atenzione de sos animales de afetzione;

BIDA s'istàntzia prot. n. 5008 de su 07/06/2022, cun sa cale s'assòtziu Fuori di Zampa Onlus cun sede in Reg. Pollina n. 54, 07041 S'Alighera, C.F. 92129310907, rechediat unu contributu a titulu de compartecipatzione a sas ispesas sustènnidas pro s'assistèntzia e su ricòveru de unu gatu in cunditiones de salute graves e abandonadu in su Comune nostru a in intro de un'àrea comunale;

LEADU ATU chi s'Assòtziu Fuori di Zampa s'est fata càrrigu de s'assistèntzia de s'animale abandonadu providende a s'ativatzione de totu sas mesuras possibles cales: Visita veterinària, emocromo, prof. biochimicu chem 17, test lestru fiv fel, esàmene coprològicu, ricòveru e terapia.

BIDU su Regulamentu pro sa cuntzessione de su Patrotziniu Comunale approvadu cun Deliberatzione CC n. 65 de su 30 de nadale 2016, in tota s'articolatzione sua;

ATESU CHI:

- chi s'intenzione de s'Ente est cussu de suportare s'iniziativa subra descritta indirizzata a benefitziu de s'animale abandonadu in territòriu comunale;

TORRADU A CRAMARE s'Istatutu Comunale approvadu cun Delibera de Consighiu N. 14 de su 20 de maju 1999;

VALUTADU chi sa rechesta de contributu pro s'acumprimentu de s'atividade de sustennu a s'animale de afetzione suferente agatadu in su territòriu comunale persighit finalidades umanas e ambientales de interessu colletivu

APRETZIADU de compartizare e acollire s'istàntzia presentada dae su rapresentante legale de s'Ass. Fuori di zampa de S'Alighera bastat chi siat documentada s'ispeza sustènnida pro sa cura e su ricòveru de su gatu chi summat a € 685,00;

APRETZIADU pro cussu de cuntzèdere a cobertura parziale de sas summas sustènnidas dae s'Assòtziu in paràula unu contributu modestu de s'Ente pro custa iniziativa lodèvole, paris a € 300,00.

ATESU chi su contributu cuntzessu, in su respetu de su printzipiu de trasparèntzia est giai istadu documentadu dae s'assòtziu in sa documentatzione allegada a s'istàntzia tzitada.

BIDU su D.lgs. 267/2000;

ACHISIDU su parre favorèvole de regularidade tècnica esprimidu in cunforma a s'art. 49 de su D.lgs. 267/2000;

APRETZIADU oportunu providire in mèritu;

CUN VOTOS favorèvoles de acordu, esprimidos in forma crara;

DELÌBERAT

Pro sas motivatziones craridas in premissa e inoghe marcadadas a manera integrale:

DE CUNTZÈDERE, comente dae rechesta, a s'Assòtziu Fuori di Zampa, cun sede in S'Alighera - C.F. 92129310907 - unu contributu econòmicu de € 300,00 a titulu de cumpartecipazione de sas ispesas sustènnidas pro sa cura e su ricòveru de s'animale de afetzione agatadu in su territòriu comunale;

DE DARE ATU chi su contributu dispostu cun s'atu presente at a andare a bàlere in sa Missione 5, Programma 2, Pianu Finanziàriu 1.04.04.01.001 – cap. 410 de su Bilàntziu de Previsione 2022/2023, in fase de elaboratzione;

DE INCARRIGARE su Responsàbile de s'Àrea Sòtziu-Culturale pro s'assunzione de sos atos cunsighentes a sa delibera presente de indiritzu, cun riferimentu particolare a s'impignu e licuidatzione de su contributu dispostu, fata chi siat rendicontatzione de sas summas dispostas;

DE DECRARARE s'atu presente, cun votatzione separada de acordu e favorèvole, esecutàbile a manera immediata in cunforma e pro sos efetos de s'art. 37, comma 2, de sa L.R. n. 2/2016 e de s'art. 134 de su D.lgs. 267/2000, reconnòschida s'esigèntzia de assicurare s'ispargimentu sollitzitu de sos efetos suos.

Lèghidu, aprovalu e sutascritu.

SU SÌNDIGU

Av. Mario Antonio Faedda

SU SEGRETÀRIU GENERALE

su Segretàriu Generale:

Dr. GiuseppeManca

Traduzione de s'operadora de s'isportellu linguisticu de S'Ulumedu
Maria Leonarda Correddu

